

**Lvdovici Molinæ, E Societate Iesv Theologiæ Doctoris, &  
Professoris, Commentaria, In primam D. Thomæ partem**

**Molina, Luis de**

**Lugduni, 1622**

De custodia Angelorum disputatio vnica.

---

[urn:nbn:de:hbz:466:1-73915](#)

decimotertio cœlestis Hierarchia. Vno, ut Angelus ille fuerit inferioris Hierarchia & ordinis: dicatur vero Seraphim ab effectu, quia scilicet inflammavit Itiam. Altero, ut visio facta sit quidem ministerio inferioris Angelii, & similiter mundatio & inflamatio: attamen quia ex prescripto & reuelatione prius per Seraphinum facta Angelo inferiori, nominèque Seraphini inflammatio illa & mundatio facta est, tribuitur Seraphino, licet immediatè fuerint executioni mandata per Angelum inferiorem. Sicut quod Episcopus per Diaconum exequitur, Episcopo tribuitur.

Potest deinde eadem conclusio confirmari, quia Genesio tertio cum Deus primos parentes de Paradiso eiecit, dicitur: *Et collocauit ante Paradisum voluptatis Cherubim.* Preterea Michaël, Gabriel, & Angelus ille, qui ad confortandum Christum Dominum in hortum missus est, sicut de numero Seraphinorum videntur esse, iuxta ea quæ quæstione 108. dicta sunt: licet enim ad communia quæque obeunda & denuncianda mittantur Angelii de inferioribus ordinibus: attamen ad maxima, & ad insignes admodum personas, ut ad denunciandum Virgini Deipara mysterium incarnationis, & ad confortandum Christum, sicut de Seraphinis miti videntur: nec aliud decebat. Alcui etiam Seraphinorum vniuersalibus totius Ecclesiæ cura videtur demandata: hic autem est Michaël, qui, ut quondam princeps erat synagoga, ut Daniel decimo habetur, sic modò princeps creditur Ecclesiæ Christianæ. Ad conferendam etiam legem filiis Israël, atque ad ministerium denunciandum Prophetis præcipua quæque, si non de Seraphinis, certè de superioribus ordinibus videntur delegari Angelii, neque hoc est præter ordinem, aut suprà ordinem in Angelis statutum, ut hoc loco vult Diuus Thomas, sed iuxta ordinem ipsum: ad diuinam quippe sapientiam & prouidentiam spectat eum ordinem statuere, ut ad communia de inferioribus ordinibus ad nos mittantur, ad præcipua vero, & ad insignes admodum personas, mittantur etiam de superioribus. Quia vero hac perpauca sunt comparatione multitudinis Angelorum superiorum ordinum, dicendum est, non omnes vniuersim Angelos superiorum ordinum ad nos mitti, sed de singulis ordinibus aliquos, idque admodum raro. Quare etiam potest esse interpretatio illius dicti Pauli ad Hebreos primo: *Omnes sunt administratorij spiritus in ministerium missi,* &c. ut distributio sit, non pro singulis generum, seu ordinum, sed pro generibus singulorum, loquarque de missione ad nos, quasi sit sensus: de qualibet ordine Angelorum mittuntur in ministerium propter eos qui hereditatem capiunt salutis. Dionysius vero quando affirmat, solum mitti ad nos de inferioribus ordinibus, intelligit, ut plurimum, atque ad communia quæque, ad quæ Angeli ad nos mitti consueuerunt.

*Angelos affisiere variè exponuntur.*

Vterius queritur, vtrum Angelii omnes affstant. Dicendum est, affstere, posse sumi tribus modis. Primo, ut sit idem, quod frui diuino conpectu. Hoc modo commune quid est omnibus Angelis bonis, tam iis, qui mittuntur, quam iis, qui non mittuntur. Secundo ita, ut illi soli affstere dicantur, ad quos vel non pertinet mitti, vel admodum raro, & ad maxima quæque obeunda, aut denuncianda, sed eorum munus sit

accipere à Deo reuelationes, & eas aliis denunciare. Hoc modo soli Angelii quatuor primorum ordinum dicuntur affstere. Tertio, ut affstere distinguatur contra mittri, quasi Angelii dum non mittuntur, sed simul cum aliis sunt in celo Empyreo, fruentes diuino conpectu, ac expectantes diuinam missionem, dicantur affstere: quando vero absentes sunt à celo Empyreo: à Deo optimo maximo missi, non dicantur affstere illo modo, nempe in loco beatis peculiariter deputato, in quo velut in aula regia sedes sunt beatorum. Iuxta haec exponi possunt varia Scriptura sacra testimonia.

Vt inquit: *Angeli omnes mittuntur in ares automata propria, in una regia.*

B

Ultimè queritur, vtrum quidam ex Angelis alias mittantur: Respondendum est, auctoritate propria nullum Angelum mittere alium: auctoritate vero delegata atque à Deo accepta vnum mittere alium. Hoc modo Zacharias secundo Angelus, qui cum Zacharia loquebatur, dixit ad alterum Angelum: *Curre, loquere ad puerum istum,* &c. videturque proprium Dominationum mittere Angelos inferiores, distribuereque illis ministeria in particulari, quæ speciatim à quibus sunt exequenda.

## C

Quæstio CXIII.

De custodia Angelorum.

## DISPUTATIO VNICA.

**A** B Angelis homines custodiunt, est de fide. Patet ex illo Matthæi decimo-octavo: *Angeli eorum semper vident faciem Patris mei.* Ad Hebreos primo: *Omnes sunt administratorij spiritus, in ministerium missi, propter eos qui hereditatem capiunt salutis.* Psalmo trigesimali: *Immitit Angelus Domini in circuitu timentium eum, & eripiet eos.* Psalmo nonagesimo: *Angelis suis Deum mandavit de te, ut custodiant te,* &c. Ut enim Deus hostes inuisibilis ad eorum exercitum, & probationem hominibus permisit: sic etiam concederat, ut tamquam protectores, defensores, ac adiutores, inuisibilis Angelos eisdem conferret, qui corpus & animam ab hostibus inuisibilibus protegerent, libertimque hominis iuarent arbitrium.

Quod autem unusquisque homo suum peculiarem Angelum habeat custoden, licet non sit de fide, est tamen communis sententia Sanctorum, atque Doctorum. Inter alios vero Hieronymus in illud Matthæi decimo-octavo: *Angeli eorum semper vident faciem Patris mei: Magna, inquit, est dignitas animalium, ut unaque ab ora sua nativitatis in sui custodiā habeat Angelum sibi deputatum.* Chrysostomus in eundem locum homilia sexagesima in Matthæum: *Manifestum, inquit, est, quia omnes sanctos Angelos habent, & tandem loco quam in imperfecto homilia quadraginta ipse, aut quicumque aliis eius operis auctor, exponens locum illum: Et semper circumdat eum idem probat variis Scripturae testimoniis.* Idem docent Basilius in illud Psalmi quadragecimi: *Et dominabuntur corum regi in matutino, & homilia secunda de laudibus ieiunij: libro tertio adversus Eunomium in principio, & alibi.* Hidorsus

Angeli omnes  
mittuntur in ares  
automata propria,  
in una regia.

Quæstio  
Angeli omnes  
mittuntur in ares  
automata propria,  
in una regia.

lib. primo, de summo bono cap. duodecimo, sententia vigesima prima, & plerique alii. Fuit vero expeditus unicuique hominum suum peculiarem Angelorum depudari, & non vnum Angelum multis hominibus simul existentibus: tum quia numerus Angelorum ad id erat sufficiens, eaque ratione suauis ordo diuinæ prouidentia disponitur. Tum vel maxime, quia duo homines possent adeò sciungi ab iniucem, ut vnum Angelus non posset vtrique simul subuenire: ut si vnum maneret in Lusitania, & alius migraret ad Indos: contingere autem poterat aliquando, ut opus esset subuenire vtrique simul. Imò Iustinus martyr in libro questione à Gentibus Christianis propositarum questione trigesima, affirmit, ita vnumquemque hominem habere suum peculiarem Angelum custodem, ut Angelus qui aliquem custodiat, eumque in sempiternam felicitatem perduxit, numquam amplius alium hominem custodiat.

*Angeli custodia quāndo incipiunt.*

Circa tempus, à quo incipit custodia, Diuus Bonaventura in secunda distinctione vndecima, in expositione literæ, quem sequitur Gabriel in eadem distinctione existimat incipere à puncto temporis, in quo infunditur anima & producitur homo in vtero matris. Diuus Thomas vero hoc loco & Durandus in secundo, distinctione vndecima, quæstio prima, probabilius esse arbitrantur, incipere ab instanti nativitatis: eò quod dum puer est in vtero matris, sit quasi vnum quid cum matre per colligationem, eo modo quo fructus, dum pendet ex arbore, est vnum quid cum arbore: quare qui Angelus sufficit ad custodiendam matrem, sufficit etiam ad custodiendum filium, dum est in vtero materno. Atque hæc sententia magis placet. Depudatur vero angelus statim à nativitate, & non quando suscipit gratiam in baptismo: quia custodia non respicit hominem, quatenus Christianus aut fidelis est, sed quatenus viator est, ad Angelosque spectat non solum custodire animam promouendo in bonum, excitando ut resurgat à culpa, & curando, ut in eam non incidat, &c. Sed etiam custodite corpus, & mouere alios, ut remedium contra originale peccatum illi adhibeatur: hæc autem duo præstare poterit puer, etiam antequam ad baptismum perueniat.

Quod attinet ad tempus in quo custodia finitur, conueniunt omnes finiri cum vita: tunc enim definit esse viator. Attamen custodiae videtur annexum, ut si custoditus discedat in gratia, aliquidque expiadum habeat, ab Angelo custode dedicatur in locum expiationis: neque enim credo id fieri à dæmonibus, quicquid aliqui dicant. Id quod confirmari potest ex illo Luce decimo sexto, Factum est, ut moretetur mendicus, & portaretur ab Angelis in finum Abraham. Sicut enim ante mortem Christi in pœnam originalis peccati iusti ab Angelis duecebantur in finum Abraham quousque pretium nostræ redemptionis solueretur, panderenturque portæ cœli: sic quando post Christi mortem in ignem expiationis ducentur, ab Angelis sanctis, & non à dæmonibus portantur. Eisdem etiam custodie videtur annexum ut eum, qui nihil iam expiadum haberit, Angelus custos in cœlum Empyreum ducat, comitantibus, ut credibile est aliis Angelis, pro cuiusque meritis & dignitate: quod confirmat testimonium Molina in D. Thom.

A citatum, nec non id quod in officio defunctorum canit. Ecclesia, in finum, Abraba Angelis deducant te, &c.

Custodiuntur vero ab Angelis omnes mere viatores, sive fidèles sive, sive infideles, proprietatem redditam, nempe quia custodia respicit hominem, quatenus viator est, & non quatenus justus aut fidelis est: & in hoc omnes conueniunt. Vnde & Domina nostra Angelum habuit custodem. Imò homines in statu innocentia Angelos habebant custodes, eò quod viatores erant, & ut habebant dæmones impugnatores, rēque ipsa impugnati sunt: ita ratio postulabat, ut haberent Angelos custodes, à quibus & dæmones coercentur, ne plusquam oportaret tentare, aliudvce nocendum inferrent, & sanctis inspirationibus in maius bonum promouerentur. Christus autem Dominus quatenus homo propter vniōnem humanitatis ad Verbum, & quod simul esset comprehensor, & Dominus Angelorum, non habuit Angelum custodem: habuit tamen Angelos ministros quales fuerant illi, qui, peractis tentationibus, accesserant & ministrabant ei, ut habetur Matthæi capite quarto, & qualis fuit Angelus qui accessit ad eum confortandum in horro. Ioann. etiam primo, dixit Christus: Videbitis Angelos Dei ascendentes & descendentes super Filium hominis.

Adde, quod custodia angelorum numquam homini profertur, dum est in via: quemadmodum numquam ei denegatur omnino auxilium supernaturale: propter peccata tamen hominum, sicut interdum denegatur eis auxilia quædam particularia, ita denegatur custodia angelorum quoad peculiares aliquos efficiens. Atque id est, quod dicitur Hieremias 51. Curauimus Babylonom, & non est sanata, relinquantem eam. Et quod dicitur Ieremia 5. Afferam sepius eius & erit in direptionem, diruam maceriem eius & erit in concusacionem. Nomine namque maceriarum, custodia angelorum intelligitur. Et in historia Ecclesiastica narratur, ante destructionem verbis Hierosolymorum auditas fuisse voces angelorum in templo dicentium, relinquisimus has sedes.

Sunt vero angeli depuati in custodiæ, non solum priuatis hominibus, sed etiam diuersis nationibus, prouinciis, ciuitatibus, diuersis Ecclesiis, & congregationibus, ut diuersis religionibus, & forte non solum prouinciis earum, sed etiam peculiares cœnobitis: hi autem angelii curant, quæ ad bonum commune prouinciæ, aut congregationis sibi commissæ spectant, ad idque mouent singulos communiat, pro vt expedit, contrariaque arcent, &c. Vnde Clemens Petri discipulus secundo libro recognitionum: Est, inquit, vniuersitatis gentis Angelus, cui credita est gentis ipsius dispensatio. Dionytius nono capite celestis Hierarchia singulis nationibus præfatos esse angelos docet. Clemens Alexandrinus, libro sexto Stromatum: Per gentes, inquit, & ciuitates sunt distributa Angelorum præfectura: idem docent, & latius explicant ac extendent Basilius tertius, libro adversus Eunomium in principio. Gregorius Nazianzenus oratio, trigesima secunda, fætem aque iterum. Et carmine sexto, de substantiis mente præditis. Gregorius quarto Moralium capite vi-

*Angelis eu-  
sodiunt om-  
nes merè  
viatores, et-  
c.*

*Christus Do-  
minus cur  
non habue-  
rit Angelum  
custodem.*

*Angelus cu-  
stos nūquam  
homini dum  
in via est  
profersus au-  
fortur.*

*Etsi diuer-  
sæ nationi-  
bus, prouin-  
ciis, urbibus  
Angelos de-  
putari.*

gesimo septimo, Isidorus libro primo, de summo bono capite 12. sententia 20. & plerique alij, colliguntque id ex cap. 10. Danielis, quo in loco de angelis principibus diuersarum prouinciarum est sermo.

De quibus ordinibus angeli in custodiam dependent priuatis personis, principibus, prouinciis, &c. & utrum si non singulis individuis, spe-

A ciebus tamen singulis rerum irrationalium depu-  
tati sint particulares angelii in custodiis, dictum  
est quæst. centesima octaua, quæstio, centesima  
decimaquarta quæ est de impugnatione dæmo-  
num, & in qua finitur tota disputatio de ange-  
lis, facilis est, & in superioribus magna ex parte  
explicata, idcirco ab eius interpretatione duxi  
supercedendum.



TRACTA